

Dolomiten

14 settembre 2018

Cortinametraggio 2019 ala mostra dl chino da Aunejia

CULTURA: Deplü aturs ala presentaziun dla 14ejima ediziun dl festival

CORTINA D'AMPÈZ/AUNEJIA (bon). Al s'á stlüt jö la mostra dl chino da Aunejia; al é stada n'ediziun cun n program dër rich. Ince la 14ejima ediziun dl concurs Cortinametraggio s'á presenté tla cornisc dla mostra pro l'hotel Excelsior al Lido da Aunejia tl salf dla region Veneto. Vigni ann Ampèz se presentëia cun so festival ala mostra dl chino y vigni ann él tres plü ghesch interesciá ala scomenciadia.

Cortinametraggio, le festival de films cörc d'Ampèz, á porté dant les novités, danter chëster incö rovará i films cörc plü importanc - indöt dodesc - de Cortinametraggio a Bangkok por n'edema; chësc é le pröm iade che les produziuns dl festival d'Ampèz röia ince t'Asia.

Al é gnü porté dant en chësta gaujiun na presentaziun de Cortinametraggio mostran l'ediziun dl'ann passé tres n filmat. La proscima ediziun sará dai 18 ai 24 de merz 2019.

Deplü i aturs che á tut pert ala presentaziun a Aunejia; la presidentëssa de Cortinametraggio é contënta dl suzès che



Da man ciampa: Katia Tafner, Maddalena Mayneri, Gioia de Bigontina y Gaia Di Gallo ala mostra dl chino da Aunejia. bon

chësc festival. "Cortinametraggio porta fortuna; tröc aturs che á metü man cun nosc festival á sëgn n gran suzès. Por le pröm iade sarun ince a Bangkok, i sun n pü' grama mo ince dër contënta. Sun bogn da cherdé adalerch personalités dl monn dl chino", spliga Maddalena Mayneri.

Ince tla proscima ediziun gnará dé le pest Medusa por n film lunch y danter les novités sarál la seziun "films cörc te salf"; al ne manciará gnanca tla proscima ediziun la seziun Videoclip. La manifestaziun á n cost de 300 mil Euro a ediziun, porchël él n gran sostëgn da pert de sponsors privac.

© Duc i derc riservës